

Gīvenēms

Atejē žmuogos i pasauli.
Anam atruoda, ka pasaulis
Ī labā mažos.
Po pērma reikiejē pareitē par asla
Ēsēkēbos i mammas sijuona,
Paskou ēr zoslanus aple stala.
Vuo greitā parlēpa ēr par slēnksti.
Pamatē kēimē, ka pasaulis
Ne tuoks ēr mažos.
Matē, ka aplinkou vēsē,
Kas gīvs, krot ēr krot,
Nievēns nestuov be darba
Žmuonis, paukštē, gīvolē -
Vēsē tor darba ē dērb.
Atejē čiesos eit i mokīkla,
Patrauk par suoda kelioko
So medēnē skrīnele ronkuo...
Daug metu prasidiejē soulē,
daug ēšmoka, daug sožēnuojē...
Atejē čiesos ēr patem pradietē –
Jimteis darba ēr kētēms padietē.
Ēr soprata, ka gīvenēms īr darbs,
Vuo darbs īr gīvenēms.